

մը¹ ինքն խոնարհութեամբ կը պատմէ, թէ երբ «Քաղում տաժանելի աշխատութեամբ» աւարտեցի Յակոբայ թղթոյն մեկնութիւնը, յետոյ կը յաւելու, թէ «Ապա ի խղճէ մտացո հարեալ և յանարժանութենէ անձինս՝ կա մեցայ դադարեցոցսնեղ զընթացս բանիս. և սակաւ ինչ հսկեցաւ գտեալ, ի բռնագրօսէ լոյ այրոց և ի հարկեցոցսնեղ բանից՝ սկիզբն զարձեալ արարի»: Թերեւս զինքը բանազատողներէն զխառր մին եղած լինի իւր ուսումնակից կաթողիկոսն Գրիգորին Պաշլաւունի, ինչպէս որ քրտէ է իւր ուրիշ ժամանակակիցաց²:

Սարգիս ի Քարաշիթու վանս հաստատուելէն ձրշափ տարի վերջը սկսած է զրել իւր այս մեկնութիւնը, զայն որոշակի չյայտաներ մեզ. միայն Յովհաննու Ք թղթոյն մեկնութեան մէջ — ըստ բերելոյ նիւթոյն — կ'ըսէ, թէ «Ահա այս հարիւր և յիսուն և վեց ամ է, յորմէ հեռէ հազար ամն (Քրիստոսի) լցաւ³. ոսկից կը հետեւի թէ 1156 ին գրեթէ աւարտելու վրայ պէտք է լինի նա իւր այս երկասիրութիւնը: — Տարակոյս չկայ, թէ բաւական տարիներ սպասած է նա իւր այս ընդարձակ գործն⁴ ի զլուխ հանելու հա-

1. Ի Յառաջ. մեկն. Յովհ. Ա թղթոյն, էջ 621:
 2. Իգնատիոս վ. Ղուկոյ աւետարանին մեկնութիւնը, Սամուէլ Երէց իւր ժամանակագրութիւնը, նոյնպէս և սուրբ Ներսէս Ենոբճալի իւր քանի մը գրութեանը, նորա յանձնարարութեամբ գրած են:
 3. Յորդորակ Ք, էջ 774:
 4. Յետոյ Սարգիս տեսնելով, թէ այսպիսի ընդարձակ մեկնութիւն մի դժուարին է ամենուն կարգալ, ստիպուեցաւ տասը տարի վերջը՝ այսինքն է յամին 1166՝ համառօտել առաջինը, ինչպէս որ կը զրէ եւս, թէ ինքն եղած է «աշխատող գրոցս ի յերկս բանի մեկնութեան նախադուինիցն, և ապա ի համառօտել զպիտանացուն՝ ընթերցող լուսամիտ համբակացի և ուսումնասիրաց և քրիստոսասիրաց . . . : Հայ թուականն յայնմ ամի յորժամ կատարեցի ըզնամառօտս՝ յիշատակ ինձ և իմոցն և ի վարժաւմն մանկանց նորոյ առաջաստի մօրս մերոյ վերին Երուսաղեմի՝ ծն էր ընդ վեց հարիւրի»:

— Յիշատակարանիս մէջ կը յիշեցնէ նաեւ իւր

մար, և այս յայտնի է ոչ թէ միայն իւր վերոյիշեալ խօսքերէն, այլ և իւր յիշատակարանաց մէջ ստեպ ստեպ կրկնած խօսքերէն, թէ «Իմ աղաչանք են առ ձեզ, եղբարք սիրելիք Աստուծոյ և սիրեցեալք ի Քրիստոսէ, և արատաւօք պաղատանք, շաննել անտես զերկայն ժամանակաց աշխատութիւնս իմ յերկս վաստակոց իմնց», և այլն:

Արդ, այս մեկնութեան բովանդակութիւնը կը կազմեն ընդ ամէնն՝ 43 ընդարձակ ճառեր, յորոց 11ն ընծայեր է նա Յակոբայ թղթոյն, 18ը Պետրոսի կրկին թղթոց, 11ը Յովհաննու երբեակ թղթոց, և ի վերջոյ երբեակ ճառ ալ Յուդայի թղթոյն: Այս ճառերէս իւրաքանչիւրն իրենց հետ կից ունին նաեւ մի մի երկար յորդորակներ. եօթն թղթոց սկիզբն այլ առանձին առանձին նախերգանքներ կան. և հուսկ ապա գործոյս վերջն իւր շորս ընդարձակ թղթերէ բաղկացած ճառ մի այսու խորագրով. «Պատճառք եօթանեցունց թղթոցն կաթողիկոսայց՝ շորից սրբոց առաքելոցն». զորս զրեթէ մի առ մի կը յիշատակէ¹ նաեւ Կիրակոս զանձակեցին:

Այս մեկնութիւնս ուշի ուշով ընթերցողն անշուշտ պիտի ըսէ, թէ Սարգիս արդի դարու յառաջացեալ գիտութեամբ զարդացած մեկնիչ մ'ըլլայ: Եւ յիրաւի, վասն զի ի հին հարս սակաւութիւ են այնպիսի մեկնիչք, որ սուրբ Գրոց իւրաքանչիւր ատղերը զրեթէ բառ առ բառ մեկնեն, այլ սովորաբար ըստ իմաստից միայն. նմանապէս նոքա ճարտարու-

ծերութիւնը՝ այս համառօտութիւնը կատարելու պահուն, ահաւասիկ իւր խօսքերն. «Ազաչեմ սիրով Հոգւոյն և մարդեմ թախանձելով մի անտես առնել զերկայն ժամանակաց աշխատութիւնս իմ. . . և որք յիշեքդ աղաչելով վասն իմ ծերոյս Սարգսի՝ զՏէր յիշեալ լիջիք և զուք յամենեցունց Արարէն»: Արդ, մեր վերը դրած Սարգսի ծննդեան թուականին համեմատ 71-6 տարեկան եղած կ'ըլլայ նա, որ է բաւական հասունացեալ հասակ մի, յորմէ ոչ շատ յետոյ թերեւս իւր մահականացուն ալ կ'ըլլայ:

1. Ի Պատմութեան, տպ. ի Վենետ. 1865. էջ 64: